



Pro feria secunda.

A. Cultus SS. Nominis Jesu.

Offleium parvum.

Ad Matutinum.

In nomine Jesu omne genu flectatur, cœlestium, terrestrium et infernorum.

V. Domine, labia mea aperies.

R. Et os meum annuntiabit laudem tuam.

V. Deus, in adjutorium meum intende.

R. Domine, ad adjuvandum me festina.

Gloria Patri, etc. Allel.

Hymnus.

Jesu dulcis memoria,
Dans vera cordis gaudia,
Sed super mel et omnia,
Ejus dulcis præsentia.

Nil canitur suavius,
Nil auditur jucundius,
Nil cogitatur dulcius,
Quam Jesus, Dei Filius.

Jesu, spes poenitentibus,
Quam pius es potentibus!
Quam bonus te quærentibus!

Sed quid invenientibus?

Jesu, dulcedo cordium,
Fons vivus, lumen mentium,
Excedens omne gaudium,
Et omne desiderium.

Nec lingua valet dicere,
Nec littera exprimere,
Expertus potest credere,
Quid sit Jesum diligere.

Jesum quærām in lectulo,
Clauſo cordis cubiculo,
Privatim et in publico
Quærām amore sedulo.

V. Sit nomen Domini benedictum.

R. Ex hoc nunc et usque in sæculum.

Ant. Vocatum est nomen ejus Jesus, quod vocatum est ab Angelo, priusquam in utero conciperetur: sanctum et terribile nomen ejus.

V. Domine, exaudi orationem meam.

R. Et clamor meus ad te veniat.

Oremus.

Sancti nominis tui, Domine, timorem pariter et amorem fac nos habere perpetuum; quia nunquam tua gubernatione destituis, quos in soliditate tuæ dilectionis instituisti. Qui vivis et regnas cum Deo Patre, etc.

Ad Primam.

In nomine Jesu omne genu flectatur, cœlestium, terrestrium et infernorum.

V. Deus, in adjutorium meum, etc. *ut supra in Matut.*

Hymnus.

Cum Maria diluculo
Jesum quærām in tumulo,
Clamore cordis querulo:
Mente quærām, non oculo.

Tumbam perfundam flentibus,
Locum replens gemitis:

Jesu provolvar pedibus,
Strictis hærens amplexibus.

Jesu rex admirabilis,
Et triumphator nobilis,
Dulcedo ineffabilis,
Totus desiderabilis.

Mane nobiscum, Domine,
Et nos illustra lumine,
Pulsa mentis caligine,
Mundum replens dulcedine.

Quando cor nostrum vi-
sitas,
Tunc lucet ei veritas,
Mundi vilescit vanitas,
Et intus fervet caritas.

Amor Jesu dulcissimus,
Et vere suavissimus,
Plus millies gratissimus,
Quam dicere sufficimus.

Hoc probat ejus passio,
Hoc sanguinis effusio,
Per quam nobis redemptio
Datur, et Dei visio.

V. Sit nomen, etc.

Ant. A solis ortu usque
ad occasum laudabile no-
men Domini.

V. Domine, exaudi, etc.

Oratio. Sancti nominis
tui, etc. *ut supra.*

Ad Tertiam.

In nomine Jesu, etc.
ut supra.

Hymnus.

Jesum omnes agnoscite,
Amorem ejus poscite,
Jesum ardenter quærите,
Quærendo inardescite.

Sic amantem diligit,
Amoris vicem reddite,
In hunc odorem currite,
Et vota votis reddite.

Jesu auctor clementiae,
Totius spes lœtitiæ:
Dulcoris fons et gratiæ,
Veræ cordis deliciae.

Jesu mi bone, sentiam
Amoris tui copiam,
Da mihi per præsentiam,
Tuam videre gloriam.

Cum digne loqui ne-
queam,
De Te tamen ne sileam,
Amor facit, ut audeam,
Cum de Te solum gau-
deam.

Tua, Jesu, dilectio,
Grata mentis refectione,
Replens sine fastidio,
Dans famem desiderio.

Qui Te gustant, esu-
riunt,
Qui bibunt, adhuc sitiunt,
Desiderare nesciunt,
Nisi Jesum, quem dili-
gunt.

V. Sit nomen, etc.

Ant. Nec enim aliud
nomen est sub cœlo da-

tum hominibus, in quo
oportet nos salvos fieri.

V. Cum Orat. ut supra.

Ad Sextam.

In nomine Jesu, etc.
ut supra.

Hymnus.

Quem tuus amor ebriat,
Novit, quid Jesus sa-
piat.
Quam felix est, quem sa-
piat!
Non est ultra, quod cu-
piat.

Jesu decus angelicum,
In aure dulce canticum,
In ore mel mirificum,
In corde nectar cœlicum.

Desidero te millies,
Mi Jesu, quando venies?
Me lœtum quando facies?
Me de Te quando saties?

Amor tuus continuus,
Mihi languor assiduus,
Mihi fructus mellifluus
Est et vitæ perpetuus.

Jesu summa benignitas,
Mira cordis jucunditas,
Incomprehensa bonitas,
Tua me stringat caritas.

Bonum mihi diligere
Jesum; nil ultra quærere,
Mihi prorsus deficere,
Ut illi queam vivere.

O Jesu mi dulcissime!
Spes suspirantis animæ,

Te quærunt piæ lacrimæ,
Te clamor mentis intimæ.

V. Sit nomen, etc.

Ant. Ego in Domino
gaudebo, et exultabo in
Deo Jesu meo.

V. Domine exaudi, etc.

Oratio. Sancti nominis
tui, etc. ut supra.

Ad Nonam.

In nomine Jesu, etc.
ut supra.

Hymnus.

Quocumque loco fuero,
Mecum Jesum desi-
dero:
Quam lœtus, cum inve-
nero!

Quam felix, cum tenuero!
Jam, quod quæsivi, vi-
deo,

Quod concupivi, teneo,
Amore Jesu langueo,
Et corde totus ardeo.

Jesus cum sic diligitur,
Hic amor non extinguitur;
Non tepescit, nec moritur,
Plus crescit, et accenditur.

Hic amor ardet jugiter,
Dulcescit mirabiliter,
Sapit delectabiliter,
Delectat et feliciter.

Hic amor missus cœli-
tus,

Hæret mihi medullitus,
Mentem incendit penitus,
Hoc delectatur spiritus.

O beatum incendium,
Et ardens desiderium,
O dulce refrigerium,
Amare Dei Filium!

V. Sit nomen, etc.

Ant. Memores erunt no-
minis tui, Domine, in
omni generatione et ge-
nerationem.

V. Domine exaudi, etc.

Oratio. Sancti nominis
tui, etc. ut supra.

Ad Vesperas.

In nomine Jesu, etc.
ut supra.

Hymnus.

Jesu, flos matris virginis,
Amor nostræ dulcedi-
nis,
Tibi laus, honor numinis,
Regnum beatitudinis!

Veni, veni, rex optime,
Pater immensæ gloriæ,
Affulge menti clarus,
Jam exspectatus sæpius.

Jesu sole serenior,
Et balsamo suavior,
Omni dulcore dulcior,
Præ cunctis amabilior.

Cujus gustus sic afficit,
Cujus odor sic reficit,
In quo mens mea deficit:
Solus amanti sufficit.

Tu mentis delectatio,
Amoris consummatio,
Tu mea gloriatio,
Jesu, mundi salvatio:

Dilecte mi, revertere,
Consors paternæ dexteræ,
Hostem vicisti prospere,
Jam cœli regno fruere.

Sequar Te, quoquo ieris,
Mihi tolli non poteris,
Cum meum cor abstuleris,
Jesu, laus nostri generis.

V. Sit nomen, etc.

Ant. Fecit mihi magna,
qui potens est, et sanctum
nomen ejus.

V. Domine, exaudi orationem meam.

R. Et clamor meus ad Te veniat.

Oremus.

Sancti nominis tui Domine, timorem pariter et amorem fac nos habere perpetuum; quia nunquam tua gubernatione destituis, quos in soliditate tuæ dilectionis instituisti. Qui vivis et regnas cum Deo Patre, etc.

Ad Completorium.

In nomine Jesu omne genu flectatur, cœlestium, terrestrium et infernorum.

V. Converte nos, Deus, salutaris noster.

R. Et averte iram tuam a nobis.

V. Deus, in adjutorium meum intende.

R. Domine, ad adjuvandum me festina.

Gloria Patri, etc. Allel.

Hymnus.

Cœli cives, occurrite,
Portas vestras attollite,
Triumphatori dicite:
Ave Jesu, rex inclyte!

Rex virtutum, rex gloriæ,
Rex insignis victoriae,
Jesu, largitor veniae,
Honor cœlestis curiae.

Tu fons misericordiæ,
Tu veræ lumen patriæ,
Pelle nubem tristitiae
Dans nobis lucem gloriæ.

Te cœli chorus prædicat,
Et tuas laudes replicat,
Jesus orbem lætificat,
Et nos Deo pacificat.

Jesus in pace imperat,
Quæ omnem sensum superat:
Hanc mea mens desiderat,
Et ea frui properat.

Jesus ad Patrem rediit,
Cœleste regnum subiit,
Cor meum a me transiit,
Post Jesum simul abiit.

Quem prosequamur laudibus,

Votis, hymnis et precibus,
Ut nos donet cœlestibus

Cum ipso frui sedibus.

Amen.

V. Sit nomen Domini benedictum.

R. Ex hoc nunc et usque in sæculum.

Ant. Omne quodcumque facitis in verbo, aut in opere, omnia in nomine Domini Jesu Christi facite, gratias agentes Deo, et Patri per ipsum.

V. Domine, exaudi orationem meam.

R. Et clamor meus ad te veniat.

Oratio.

Sancti nominis tui, Domine, timorem pariter

et amorem fac nos habere perpetuum; quia nunquam tua gubernatione destituis, quos in soliditate tuæ dilectionis instituisti. Qui vivis, etc.

Commendatio.

Salve Jesu, Jesu pie,
Fili Dei et Mariæ,
Quem de Patre sine ma-

tre,
Et de Matre sine patre,
Natūm credo firmiter.

Sana me, et sanus ero,
Et sanabis hic, ut spero,
Sic in cœlo Te videre,
Cum Beatis possidere,
Gaudeam perenniter.

Litaniæ de SS. Nomine Jesu.

(Indulg. 300 dierum.: Leo XIII. die 16. Jan. 1886.)

Kyrie eleison.

Christe eleison.

Kyrie eleison.

Jesu, audi nos.

Jesu, exaudi nos.

Pater de cœlis Deus, misericere nobis.

Fili Redemptor mundi Deus, mis.

Spiritus sancte Deus, mis.

Sancta Trinitas unus Deus, mis.

Jesu, Fili Dei vivi, mis.

Jesu, splendor Patris, mis.

Jesu, candor lucis æternæ, mis.

Jesu, rex gloriæ, mis.

Jesu, sol justitiae, mis.

Jesu, Fili Mariæ Virginis, mis.

Jesu amabilis, mis.

Jesu admirabilis, mis.

Jesu, Deus fortis, mis.

Jesu, pater futuri sæculi, mis.

Jesu, magni consilii angele, mis.

Jesu potentissime, mis.

Jesu patientissime, mis.

Jesu obedientissime, mis.

Jesu, mitis et humilis corde, mis.

Jesu, amator castitatis, mis.

Jesu, amator noster, mis.

Jesu, Deus pacis, mis.
Jesu, auctor vitæ, mis.
Jesu, exemplar virtutum, mis.
Jesu, zelator animarum, mis.
Jesu, Deus noster, mis.
Jesu, refugium nostrum, mis.
Jesu, pater pauperum, mis.
Jesu, thesaure fidelium, mis.
Jesu, bone pastor, mis.
Jesu, lux vera, mis.
Jesu, sapientia æterna, mis.
Jesu, bonitas infinita, mis.
Jesu, via et vita nostra, mis.
Jesu, gaudium Angelorum, mis.
Jesu, rex Patriarcharum, mis.
Jesu, magister Apostolorum, mis.
Jesu, doctor Evangelistarum, mis.
Jesu, fortitudo Martyrum, mis.
Jesu, lumen Confessorum, mis.
Jesu, puritas Virginum, mis.
Jesu, corona Sanctorum omnium, mis.
Propitius esto, parce nobis, Jesu.
Propitius esto, exaudi nos, Jesu.

Ab omni malo, libera nos, Jesu.
Ab omni peccato, libera.
Ab ira tua, libera.
Ab insidiis diaboli, libera.
A spiritu fornicationis, libera.
A morte perpetua, libera.
A neglectu inspirationum tuarum, libera.
Per mysterium sanctæ incarnationis tuæ, libera.
Per nativitatem tuam, libera.
Per infantiam tuam, libera.
Per divinissimam vitam tuam, libera.
Per labores tuos, libera.
Per agoniam et passionem tuam, libera.
Per crucem et derelictionem tuam, libera.
Per languores tuos, libera.
Per mortem et sepulturam tuam, libera.
Per resurrectionem tuam, libera.
Per ascensionem tuam, libera.
Per gaudia tua, libera.
Per gloriam tuam, libera.
Agnus Dei, qui tollis peccata mundi: parce nobis, Jesu.
Agnus Dei, qui tollis peccata mundi: exaudi nos, Jesu.
Agnus Dei, qui tollis peccata mundi: miserere nobis, Jesu.

Jesu audi nos.
Jesu exaudi nos.

Oremus.

Domine Jesu Christe, qui dixisti: Petite, et accipietis; quærите, et invenietis; pulsate, et aperietur vobis: quæsumus, da nobis potentibus divinissimi tui amoris affectionem, ut Te toto corde, ore et opere diligamus, et a

tua numquam laude cessemus.

Sancti Nominis tui, Domine, timorem pariter et amorem fac nos habere perpetuum: quia numquam tua gubernatione destituis, quos in soliditate tuæ dilectionis instituisti. Qui vivis et regnas in sæcula sæculorum. Amen.

XXXIII Piæ aspirationes

ad Jesum juxta numerum annorum ejusdem.

Jesus verus Deus.

O Jesu! Deus verus de Deo vero: esto mihi in Deum protectorem et in domum refugii, ut salvum me facias. *Ps. 30, 3.*

O Jesu! Imago Patris, renova spiritum mentis meæ, et sicut portavi imaginem hominis terreni, portem et cœlestis. *1. Cor. 15, 49.*

O Jesu! Sapientia æterna, omnem a me vanam scientiam aufer; nihil enim scire cupio, nisi Te, Jesum meum crucifixum. *1. Cor. 2, 2.*

Jesus verus homo.

O Jesu! Verbum incarnatum, habitans in nobis: fac me divinæ tuæ consortem naturæ. *2. Petr. 1, 4.*

O Jesu! Fili hominis, qui cum esses in forma Dei, formam servi acceptisti: superbia nunquam in sensu meo dominetur. *Tob. 4, 14.*

O Jesu! Primogenite in multis fratribus, fac mihi, sicut promisisti, locum in regno Patris tui, ut ubi tu es, ego sim. *Joan. 14, 3.*

Jesus Redemptor.

O Jesu! Redemptor meus, tuus sum ego, accipe me; nam tuo sanguine, pretio sane magno, emisti me. *1. Cor. 6, 20.*

O Jesu! Salvator meus, salva me: nec enim aliud nomen est sub cœlo datum hominibus, in quo oporteat nos salvos fieri. *Act. 4, 12.*

